



Inatsisartunut ilaasortaq
Aqqaluaq B. Egede, Inuit Ataqtigiit
/maani

§ 37 naapertorlugu apeqqut Aalisarnermut, Piniarnermut Nunalerinermullu Naalakkersuisup siunnersortimik immikkut atorfinitsitsinera pillugu

Inatsisartut suleriaasissaanni § 37, imm. 1 naapertorlugu Naalakkersuisut siunnersortinik immikkut atorfinitsitsisimanerannut atatillugu apeqqutit arlaqartut pillugit Naalakkersuisunut apeqquteqaateqarputit. Apeqqut uannut akisassanngortinneqarsimavoq.

20. januar 2014
Suliap nr. 2014-094420
Uppernarsaatip normua
1453607

Postboks 269
3900 Nuuk
Oqarasuaat. (+299) 34 50 00
Allak. (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Aalisarnermut Naalakkersuisup Naalakkersuisup Siulittaasuata inooqataanik politik-kikkut siunnersortissaminik atorfinitsinerata kingorna Namminersorlutik Oqartussat atorfinitsitamut aningaasanik qanoq amerlatigisunik aningaasartuuteqassappat?
2. Atorfinitsitap aningaasarsiasai qassiuppat? Soraartariaqalernera arlaatigut aningaasartuutininik malitseqassava? Aamma qanoq siviutigisunik aningaasarsiaqassava?
3. Politikikkut siunnersortissaminik atorfinitsitsisoqartarnissaa aalajangerneqarmat tamanut ammasumik sulisussarsiuussisannginnissaq Naalakkersuisut ataatsimiinnerminni tamarmiullutik aalajangerpaat?
4. Aalisarnermut Naalakkersuisup tunuartinneqarnissaa pillugu tusagassiortunik katersortitsisoqarmat, Aalisarnermut Naalakkersuisup kisitsisit kukkusut ingerlatissimallugit oqaatigaa. Taakkua kisitsisit pineqartut Naalakkersuisut ataatsimiinnerminni tamarmiullutik aalajangerpaat atuuttussanngortillugit?
5. Iluumorpa Aalisarnermut Naalakkersuisup kisimiivilluni pisassiissutit qanoq agguarneqarnissaasa kisitsisitaai tamaasa aalajangersaaffigisimagaai? Taamaanngippat aalajangeeqataasut kikkuppat?
6. Pisassat qanoq agguarneqarnissaasa kisitsisitaasa kukkunerisigut, aalisartut arlai eqqartuussiviit aqqutigalugit suliassanngortitsisimappat?
7. Siunnersortissaminik atorfinitsitsinnaalernissaq pillugu kaajallaasitaq 1. Januar 2014-mi atsiorneqartoq tunngavigalugu sulisussarsiornermi tamanut nittarsaasisarnerup atorumanneqannginnera qanoq tunngavilersorsinnaavisiuk?

Akissut:

Ad 1: Siunnersortimik immikkut atorfinitsitsineq aningaasartuutaananilu aningaasartuutininik malitseqassanngilaq. Tamatumunnga pissutaavoq, Tom Ostermannip sumilluunniit aningaasarsitinneqarnissani kissaatigisimanngimmagu.

Ad 2: Tom Ostermannip sumilluunniit aningaasarsitinneqarnissani kissaatigisimanngilaa, atorfinitsitsinerlu saniatigut aningaasartuutininik malitseqartussaananani.

Ad 3: Naalackersuisut taamaallaat kaajallaasitaq nutaaq pillugu ilisimatinneqarput. Politikikkut suliaqartunut maannamut ersernerluttumik tunngavilimmik atorfinitsitsisarneq tunngavigalugu Naalackersuisoqarfinni pisortanit, kaajallaasitaq suliarineqarpoq. Malittarisassamik taamaattumik suliaqartoqarnissaanik siunertaqarneq 2013-imi septemberip 3-ani nalunaarutigineqarpoq.

4-mut:

Qaleralinnik pisassiissutit umiatsiaararsortunut kiisalu angallatinut 6 meterit sinnerlugit angissusilinnut agguaanissaat pillugu oqallisissiaq 2013-imi decemberip 19-ani ataatsimiinnermi Naalackersuisunit tamarmiusunit isumaqatigiittunit akuerineqarpoq. Angallatinut 6 meterit sinnerlugit angissusilinnut pisassiissuteqartarneq atuutsinneqalermat kiisalu umiatsiaaqqanut taamanikkut pisassiissutaasut agguanneqarnerini 2012-imi agguassinnermi peruserineqartoq atorneqassasoq Naalackersuisoqarfiup inassuteqaatigaa, kingornalu pisassiissutit qaffanneqarmata taakkua tamaasa umiatsiaararsortunut agguanneqarlutik. 2013-imut ikaarsaarnermi kingusinnerusukkullu angallataatilinnut pisassiissutit ilaneqarmata, angallatinik piginnittut periutsip tamatuma atorneratigut pisassa atorkerissasut Aalisarnermut, Piniarnermut Nunalerinermullu Naalackersuisup suliamik saqqummiussinermini erseqqissaatigisimangilaa.

Taamaattumik Aalisarnermut, Piniarnermut Nunalerinermullu Naalackersuisoq aalajangerpoq nutaamik isummernissamut tunngavissioarnarluni, tassanilu angallataatillit aamma eqqarsaatigineqarlutik taamaalillutillu 2013-imut ikaarsaarnermi pisassiissutaasut amerlaqataannik pisassinneqarlutik. Oqallisissiaq siulittaasumit akuerineqarpoq.

5-imut:

Takuuk imm. 4 ataani akissutigineqartoq.

6-imut:

Naamik, suliassanngortitsisoqarnikuunngilaq.

7)-mut tunngatillugu:

Naalackersuisutut politikikkut sulinermi siunnersorteqarnissaq, nammineq aalajangerneqartussaavoq. Inuit taakkua marluk akornanni tatigeqatigiinneq ataqeqatigiinnerlu pigaarnerullutik. Taamaattumik taamatut atorfinitsitsisarneq, arlalitsigut siumungaaq eqqarsaatigineqareertarpoq. Pisunilu taamaattuni atorfiup inuttassarsiuunnissaa pinngitsoorneqarsinnaavoq. Kisiannili pisarneq malillugu atorfiup allagarsiunneqarnissaa Naalackersuisup toqqarsinnaavaa. Piukkussaartoqartillugu, taava taamatut periuseqarnissaq pissusissamisunngitsutut isikkoqalersinnaavoq, allagarsiunneqarnerami piviusuussanngimmat. Tamanna tunngavigalugu allagarsiinissamik piumasaqaat avaqqunneqarsinnaavoq, kisiannili aappaatigut taamatut atorfinitsitsisoqartillugu, Kaajallaasitami § 6 imm. 2 naapertorlugu avammut saqqummiussinissamut sukannersumik piumasaqaateqarpoq.

Inussiarnersumik inuulluaqqusillunga